

Headline	Banci Pertanian melibatkan 1.6j responden		
MediaTitle	Kosmo		
Date	18 Dec 2023	Color	Full Color
Section	Negara	Circulation	155,996
Page No	5	Readership	467,988
Language	Malay	ArticleSize	420 cm <sup>2</sup>
Journalist	ASLIZA MUSA	AdValue	RM 10,900
Frequency	Daily	PR Value	RM 32,700



# Banci Pertanian melibatkan 1.6j responden

Oleh ASLIZA MUSA

**TANJUNG MALIM** – Banci Pertanian 2024 (BP 2024) yang akan dilaksanakan pada tahun hadapan bakal melibatkan 1.6 juta responden termasuk petani dan juga pemain industri.

Ketua Perangkawan, Datuk Seri Dr. Mohd. Uzir Mahidin berkata, jumlah tersebut diperoleh daripada maklumat terkini melalui sesi libat urus yang dijalankan Jabatan Perangkaan (DOSM) di seluruh negara yang melibatkan interaksi bersama 200 agensi di peringkat persekutuan dan lebih 1,000 agensi di peringkat daerah.

"Ia termasuk menyediakan soal selidik yang dapat menepati keperluan bagi pihak Kementerian dan juga agensi untuk membuat perancangan.

"Pangkalan data sedang dimasukkan dan ia sedang diintegrasikan dan pada peringkat awal ini, kita dapati banyak jurang dan terdapat data-data yang tidak konsisten berikutan kali terakhir bancian dibuat pada tahun 2005.

"Jadi, kita akan cuba harmonikan semula data tersebut menerusi pemukiman bancian pertanian di 156 daerah," katanya.

Beliau berkata demikian ketika



**MOHD. UZIR (tengah)** menyiram anak pokok yang ditanam di Institut Latihan Statistik Malaysia di Sungkai semalam. – ZULFACHRI ZULKIFLI

berucap pada Program Penghijauan Malaysia sempena Banci Pertanian 2024 di Dewan Sigma, Institut Latihan Statistik Malaysia di Sungkai semalam.

Turut hadir Ketua Pengarah In-

stitut Penyelidikan Perhutanan Malaysia (FRIM), Dr. Ismail Parlan.

Pada program itu, sebanyak 350 anak pokok ditanam di tapak samaian seluas 0.68 hektar di situ yang mana 220 anak pokok adalah

sumbangan FRIM, manakala selebihnya pula adalah sumbangan warga DOSM.

Antara spesies pokok yang ditanam adalah pokok jambu, cerna, beruas, sentul, jering, pelung, ga-

jus, kantan, meranti tembaga dan meranti seraya.

Mengulas lanjut Mohd. Uzir berkata, sesi libat urus yang dijalankan di seluruh negara itu mendapat maklum balas baik daripada semua pihak termasuk kerajaan negeri di mana rata-ratanya memaklumkan bahawa mereka memerlukan data yang banyak.

Beliau berkata, data tersebut akan digunakan untuk perancangan masa hadapan termasuk penggunaan teknologi, isu-isu modenisasi dalam sektor pertanian dan penyaluran bantuan kewangan.

"Saya sendiri telah berjumpa dengan para pengamal dalam industri ini iaitu peladang dan petani untuk kita ketahui isu-isu dan kekuatan, contohnya penanaman nanas dan sayuran selain pergi melawat kawasan tanaman kekal.

"Dari situ, kita boleh lihat bahawa perlunya tindakan dan pelaksanaan serta polisi yang amat baik, cuma bagaimana ia dapat ditambah baik lagi.

"Apa yang paling penting kini, kita mahukan kestabilan dalam harga-harga berkaitan pertanian, kerana ini akan menarik lebih ramai pengusaha dalam bidang pertanian," katanya.